

# TSHEGOFATSO YA GO OBAMELA MELAO WA MODIMO BEKE 2

**Setlhogo:** Fa ke obamela melao ya Modimo, ke a segofadiwa.

**Mokgosi:** Fa ke obamela melao ya Modimo, ke a segofadiwa!

**Beke ya Bobedi:** Re ka itse jang gore Modimo o batla gore re dire eng?

**Temana ya tlhogo:** Mpitsa, mme ka tlaa go araba, ke go supetsa dilo tse dikgolo, le tse di thata tse o sa di itseng. Jeremia 33:3

**Dumelang bana!** A lo tsogile? A le itse se re buang ka ga sone mo bekeng e? Re bua ka **ditshegofatso tsa go obamela melao ya Modimo**. Re bua ka ga eng?

Ditshegofatso tsa go obamela melao ya ga Modimo. Fa re obamela melao ya Modimo, go diragala eng? (Mokgosi) Le lebega le le ba ntle gompieno, le a itse? Gompieno re ya go bua ka banna ba ba bedi ba ba leng botlhokwa thata mo Baebeleng, Jesu e ne e le Morwa Modimo yo o ileng a tlaa mo lefatsheng. Re na le tumelo ntata ya ga Jesu. Elija ke monna yo o neng a tshela bogologooooo, e bile o re diretse sekai se se siameng ka gore o ne a obamela melao ya Modimo, a dira sengwe se se neng se le thata se a se boleletsweng ke Modimo gore a se dire.

Re ya go bua le ka gore re ka itse jang se Modimo a batlang gore re se dire. Ke mang yo o gakologelwang gore mo bekeng e fetileng re ile ra re go raya eng go obamela melao ya Modimo? Go obamela melao ya ga Modimo go raya gore re dire se Modimo a re bolelelang gore re se dire le fa go le thata. Re ya go lebelela matshelo a banna ba ba bedi ba ba re supegeditseng gore le fa go le thata, re tshwanetse go obamela melao ya ga Modimo.

# POLELO:

*Mo polelong e, o tlaa dirisa mpopi go tshameka karolo ya ga Elija.*

## **Modimo o tla mo Tshebetsong e e Bonolo**

Dumelang bana, ke nna Elija. Ke moperofeti. E reng moperofeti. Moperofeti o batlile go tshwana le moruti. Modimo o mpolelela dilo tse batho ba tshwanetseng go di utlwa go tsweng fa o nna ke itsisa batho ka ga seo. A re re nna ke gakolola batho gore Lefoko la Modimo le a reng le gore le amana jang le matshelo a lona.

Nako nngwe Modimo o ile a mpolelela gore ke rute batho sengwe se ba neng ba sa batle go se utlwa. Ba ile ba nkgalefela, e bile ba batla go mpolaya.

Morutabana wa lona o mpoleletse gore le bua ka go utlwa go tswa ko go Modimo, le gore o ka itse jang gore ke eng se Modimo a batlang gore o se dire. Akere ke gone, bana?

Go siame. Seo ke sengwe se ke se ratang tota. Ke rata go utlwa go tswa ko go Modimo. Ke sone seo ke leng moperofeti. E reng ke le bolelele polelo.

Nako, nngwe ke fa ke sa itse gore ke dire eng. Batho ba Modimo a neng a mpoleletse gore ke ye go bua le bone ba ne ba sa reetse se Modimo a neng a se mpoleletse gore ke se ba bolelele. E bile ba ne ba galefile, gape ba ntshosetsa ba nthaya ba re ba tlaa mpolaya. Fela jaaka lona, fa ke sa itse gore ke dire jang, ke a rapela ke bo ke botsa Modimo.

Ka jalo, ke ne ka rapela Modimo, ke mmotsa gore ke dire jang. Ke ne ke emetse karabo fa a nthaya a re ke ye kwa thabeng e e bapileng le motse ko ke neng ke nna teng. O ile a nthaya a re o tlaa tla ko go nna. Modimo o ne a tile go bua le nna. Heee bathong!

Ke ne ke sa itse gore lentswe la Modimo le ntse jang. Ke ne ke batla go utlwa.

Ka ya go palama thaba, ka nna ko godimo. E rile fa ke re ke a nna, ga tlaa phefo e maatla tota, e ne e le maatla tota. Ke fa phefo yeo e neng e le maatla ka teng, go ile ga thubega matlapa a thaba. Heela! Phefo yeo e ne e le maatla tota. Mme Modimo o ne a se yo mo phelong eo.

Fa morago ga phefo, ga tlaa thoromo-ya-lefatshe. A kere le a itse? Ye e tshikinyang lefatshe. Ya tlaa, ya feta. Mme Modimo o ne a seyo mo thoromong ya lefatshe.

Go tsweng fo o, ga tlaa molelo. Eshee! Molelo (tlola-tlola, go molelo fatshe). Molelo o ile wa feta kwa thabeng e ke neng ke le ko go yone. Mme Modimo o ne a seyo mo molelong.

E rile fa go sena go diragala dilo tse tsotlhe tse di gakgamatsang, ka tswelala go emela Modimo. Ke ne ke itse gore o tlaa dira se a rileng o tlaa se dira.

Morago ga molelo, go ne ga tlaa (bua se o seba) lentswenyana le le sebetsang. E reng ke le utlwe le sebetsana. Ke gone. Go sebetsa go ntse fela jaalo. Ke go bua ka lentse le le kwa tlase. E rile fa ke utlwa lentse leo, ka rola tlhoro ya me. Ka emelela.

Lentse la teng la mpuisa! Le buisa nna, “Elija (Ehe, ke nna yo o) o batla eng kwano?”

Ke ne ke bua le Modimo! Nna, ke bua le Modimo, Morena wa me. A nnaya ditaolo tsa gore ke dire jang, a ntshepisa gore sengwe le sengwe se tlaa siama.

Bana, fa le batla go utlwa go tswa ko go Modimo, o tlaa le araba. Mo rapele, o bo o obamela melao ya gagwe, o bo o mo emela. Ke Modimo yo o siameng, e bile o tlaa go araba jaaka le nna a neng a nkaraba.

A re opeleng moeng wa rona diatla. Ke polelo ye e kgothatsang eo. Modimo o ile a bua le Elija ka eng? Ka lentse le le kwa tlase.

Go na le motho yo o mongwe yo re tlaa buang ka ga ene gompiano. Monna yo o, o ne a obamela melao ya Modimo yotlhe. Monna yo o, ga ise a leofe. Leina la gagwe e ne e le ene Jesu. E ne e le morwa Modimo.

Jesu o ne a tshela botshelo jo bo itakanetseng. O ne a obamela melao ya Modimo ka dinako tsotlhe. Buang le nna le re: o ne a obamela melao ya Modimo ka dinako tse tsotlhe. (Bua se gapetsa). Jesu o ne a itse jang gore Modimo o ne a batla gore a dire jang?

O ne a nna a senka, e bile a rapela Modimo. Jesu o ne a tsoga maphakela fela thata, a bua le Modimo, a mo reetsa gore a reng. Go Kopana le Modimo le go mmaka go ne go neela Jesu maatla a neng a a tlhoka tsatsi le letsatsi, e bile seo se ne se mo dira gore a itse gore Modimo o ne a batla gore a dire eng.

Modimo o ile a kopa Jesu gore a dire dilo tse di thata. Nngwe ya dilo tse ke go swa.

Ee, Modimo o ne a kopa Jesu gore a swe. Go swa go thata. Mme ene o ne a nna a re, “Modimo, ga ke batle go dira thato ya me, ke batla go dira ya gago. Mpolelela se o batlang gore ke se dire, ke tlaa se dira.”

Modimo o ile a kopa Jesu gore a swe gore **wena** o kgone go nna le botsalano le ene, gore **wena** o kgone go bua le ene, le gore a nne Rrago. Modimo o batla go nna rrago. Pele o ne a sa kgone go dira se ka gore re ne re sentse. Go bidiwa eng fa re senya? (sebe) Ee, ke sebe. Rotlhe re leofile, jaanong Jesu o ile a obamela melao ya ga Modimo gore nna le wena re kopane le Modimo gape.

Dibe tsa rona di ile tsa re kgaoganya le Modimo, Jesu a bo a re buseletsa. Se re tshwanetseng go se dira ke gore re re ye ko go Modimo, le go dumela mo dipelong tsa rona, e bile re bue ka melomo ya rona gore Modimo ke Morena wa rona.

Fa re dira se, re kgona go ipitsa bakeresete. Jaaka bakeresete, Modimo o re tshepisa botshelo jo bo bo ntle mo lefatsheng, le botshelo jo bo sa feleng kwa Legodimong.

Gompieno re ya go ithuta go rapela. Modimo a re fa re batla go nna bana ba gagwe, se re tshwanetseng go se dira ke go kopa. A re obeng ditlhogo re rapele.

Obang ditlhogo le budulale.

Fa e le gore ga o ise o kope Modimo gore e nne Kgosi ya botshelo jwa gago, o ka dira seo gompieno. O batla go nna rrago. Fa o batla gore a nne rrago, rapela le nna jaanong. Le bue se ke se buileng.

*Modimo (ba neela sebaka sa go bua se o se buileng).*

*O siame*

*Ke sentse*

*Mme ke kopa Jesu*

*Gore a tsene mo botshelong jwa me*

*A bo baakanye*

*Ke a re ee ko go wena*

*Nna Modimo wa me*

*Ke a leboga*

*Gore jaanong ke bolokilwe*

*mo leineng la ga Jesu,*

*Amen.*

Fa o rapetse thapelo eo, o setse o le mokeresete! Modimo o re tshepisa botshelo jo bo bontle mo lefatsheng le botshelo jo bo sa feleng kwa Legodimong.

A re opeleng bakeresetu ba ba ntša matsogo. Fa o dirile seo, ya go bolelela batsadi ba gago se o se dirileng. Ba tlaa itumela thata. Baebele ya re baengele ba keteka ka gore Modimo ke raabone jaanong.

# THUTO:

## RE UTLWA JANG GO TSWA KO GO MODIMO SE A BATLANG GO RE RE SE DIRE?

Nna ke a batla go obamela melao ya Modimo, gape ke aitse gore le lona lona lo a batla. Fela re kgona go itse jang se Modimo a batlang gore re se dire? Ke raya gore ke ka obamela melao ya Modimo jang fa ke sa itse gore O batla gore ke dire eng?

### BAEBELE

*1 Timotheo 3:16 Lokwalo longwe le longwe lo lo kwadilweng ka tlhotlholetso ya Modimo, lo bile lo molemo go ruta, le go kgalemela le go sokolola, le go kaela ka tshiamo.*

- Pesalema 119:105, -Tsela e e motlhofo e e re ka utlwang go tswa ko go Modimo ka yone.  
Pesalema 119:9 -Kebaebele.  
-Ke gone, buka e e tona e onnang o bona batho ba e tshotse ko kerekeng  
-Buka e re tsayang dipolelo tsa rona mo go yone.  
-Baebele ke gone buka e re tsayang ditemana tsa rona kwa go yone tse re di golang!  
-Baebele ga se buka fela.  
-Ga e tshwane le dibuka tsa rona tsa ko sekolong.
- Bahebere 4:12 -Baebele e a tshela.  
-Se segolo ke gore ke Lefoko la Modimo le a le re kwaletseng.  
-E reng ke bue seo gape, ke Lefoko la Modimo le a le kwaletseng nna le wena.  
-Modimo o bua le rona mo Baebeleng.  
-O re kwaletse Baebele, jaaka lokwalo la marato.  
-Baebele ke tsela e e tona a e dirisang go bua le rona.  
-Fa re bala Baebele e re bolelela gore re dire eng.
- Jakobe 1 -Modimo a re Lefoko la Gagwe le maatla, le nonotile gape le a tshela.  
-Fa re bala Baebele, e re bolelela dilo tse dintsi tse re ka di dirang le tse re sa tshwanelang go di dira.  
-Tsela e e ntle ye re ka obamelang melao ya Modimo ka yone ke go bala Baebele le go dira se e reng re tshwanetse go se dira.  
-Fa re nna mo tlelaseng, jaaka mo kerekeng re utlwa se se mo Baebeleng.  
-Ga se gore re utlwe dipolelo tse di monate tse di mo teng, e ya re kaela.  
-O kana wa re, "Ke tlaa itse jang gore ke obamele melao efe?"  
-Nna ke tlaa re, "Bala Baebele, o tle kerekeng".  
-Go obamela melao ya Modimo ke go utlwa, go bala Baebele le di kaelo tse di mo teng ga yone, ke go obamela melao ya Gagwe go dira jalo.  
-Fa re obamela melao ya Modimo, re a segofadiwa.

## THAPELO

*Jeremia 33:3 Mpitsa, mme ke tlaa go araba, ke go supetsa dilo tse dikgolo, le tse di thata tse o sa di itseng.*

- Thapelo le yone ke tsela e motlhofo ya go ka utlwa go tswa ko go Modimo le ka go obamela melao ya Gagwe.
- Thapelo ga e thata, e bile ga e tlhaka-tlhakanye tlhogo.
- E bile ga se gore e tshwanetse gore e nne telele.
- Nyaa! Thapelo ke go bua le Modimo fela.
- A lo itse gore lo kgona go bua le Modimo, fela jaaka lo bua le ditsala tsa lona?
- A lo itse gore Modimo o batla go bua le lona, a lo bolelele dilo?
- Fa re bua le Modimo, le Ene o bua le rona, A re bolelele se re tshwanetseng go se dira.
- Tsela nngwe ya go tsaya dikaelo ko go Ene ke ka go Mo botsa.
- Baebele ya re re kgona go Mo kopa sengwe le sengwe.
- Fa o bua le Modimo nako e latelang, mo kope gore a go bolelele gore o dire eng.
- Mmotse gore a go na le sengwe se o ka se fetolang.
- O tlaa go bolelele dilo tse o ka di dirang, fa re dira dilo tseo, re mo obamela, O a re segofatsa.

Mathaio 21:22

## GO REETSA MOWA O O BOITSHEPO

*Johane 14:16 Mme ke tlaa rapela Rara, mme o tlaa lo naya Mogomotsi o sele, gore a nne le lona ka bosakhutleng.*

- O itse lentswe-nyana le le mo teng ga gago?
- Le a bua mo teng ga gago.
- Thata-thata fa o ya go dira sengwe se se maswe, lentswe-nyana mo teng ga gago le ka go raya le re, "se dire jalo, o tlaa tsena mo tsietsing."
- Batho ba bangwe ba le bitsa ba re ke segakolodi, mme ke Mowa o o Boitshepo Mothusi wa rona.
- Lentswe-nyana leo ke Mowa o o Boitshepo, o a bo a bua le wena. Ke Modimo a bua le wena.
- Nako tse dingwe o re bolelele gore re dire sengwe se se molemo.
- Go jaaka ya go nna ditsala le mosetsana yo o moša mo tlelaseng.
- Kgotsa ya go thusa nkuku wa gago go tlhatswa dijana.
- Kgotsa tshameka le monnao.
- Modimo o a rata go re buisa ka lentswe-nyana le le mo teng ga rona.
- Fa re reetsa, re bo re dira se le re bolelelang gore re se dire, ga re segofadiwe fela, o tlaa bua le rona le go feta.
- Fa o mo tlhokomologa, o bo o tswelela ka go dira selo se se maswe seo, kgotsa o sa dire selo se se siameng, o tlaa fokotsa go re buisa.

Johane 16:8

Johane 16:13,  
Esekiele 36:26

Diane 8:34,  
Ditiro 5:32

-Reetsa lentswe-nyana leo, Mowa o o Boitshepo o bo o dira se a go bolelelang gore o se dire, go sa kgathalesege gore ke eng.

# DIPOTSO:

Tsela e re ka kgonang go utlwa go tswa ko go Modimo ke efe?

E ngwe gape ke efe?

Thapelo ke eng?

Mowa o o Boitshepo ke mang?

Moperofeti yo re neng ra bua ka ga ene gompieno o bidiwa mang?

Moperofeti ke eng?

Modimo o e le a bolelela Elija gore a ye go palama thaba. Go e le ga diragala eng kwa thabeng?

Re e le ra bua le ka ga Jesu gompieno. Jesu o ne a obamela melao ya Modimo jang?